

FARCEK su-etena aldarrikatuko du bake elkarrizketek aurrera egiten badute

Gerrillak bi frankotiratzaile atxilotu zituelako ez zen joan Tirofijo Pastranagana

Agentziak / Bogota

Kolonbiako Gobernuak eta FARC Indar Armatu Iraultzaile Kolonbiarrak bake elkarrizketak ofizialki hasi badituzte ere, paramilitarrek 47


lagun hil dituzte azken egunetan. Gerrillak su-etena indarrean jarriko du, negoziaketa mahai gainean jarritako baldintzetako zortziretan aurrera egiten bada. Bestalde, azalpen berria eman du Manuel Marulanda

Tirofijo gerrillaren buruzagia, Andres Pastrana lehendakariarekin hitz egitera agertu ez izanari buruz: ekitaldia hasi baino lehentxoago bi frankotiratzaile atxilotu zituen gerrillak San Vicente del Caguanen.

GOBERNUAK eta FARC Indar Armatu Iraultzaile Kolonbiarrak gerrillak hasi dituzte bake elkarrizketak, eta zehazten hasi dira negoziaketarako agenda eta elkarrizketa bideak. Bi aldeetako ordezkariak atzo bildu ziren San Vicente del Caguanen, hegoaldeko oihaneko Caqueta departamenduan, joan den ostegunean Andres Pastrana lehendakariak eta gerrillako buruzagiek itundubezala. Osteguneko topaketa herriko plazan egin zen, eta atzoko bilera Machaca base-rrian.

Gobernuaren izenean elkarrizketetan izan ziren Victor Ricardo Bakerako goi komisariatua, Nicanor Restrepo enpresarioa, Maria Emma Mejia ministro ohia, Favio Valencia Senatuko lehendakaria eta Rodolfo Espinosa Atlantiko departamenduko gobernadorea. FARCen izenean, berriz, parte hartu zuten Milton de Jesus Toncel Joaquin Gomez, Raul Reyes eta Fabian Ramirez buruzagiek.

Gerrillak argi adierazi zuen tregoa aldarrikatuko duela atzo mahai gainean jarritako eskakizunetarikoz zortzitan



Manuel Marulanda Tirofijo, San Vicente del Caguanen.

aurrera egiten bada. Baldintzak zeintzuk diren ez zuen argitu ordea.

Manuel Marulanda Tirofijo gerrillaren buruzagi gorena

ez zen izan joan den osteguneko bilera historikoan, eta gerrillak horren zergatia arrazoitu zuen ostiralean. Caquetan Gobernuak finka-

tutako eremu desmilitarizatuan bi frankotiratzaile atzetan zituen gerrillak bilera egin aurretik. Atxilotuak paramilitarrek izatea litekeena dela esan zuen, eta horiek gerrillak epaituko dituela gaineratu. Hala ere, Gobernuak atxilotuak entregatzeko eskatu zion FARCi.

Fabio Palacio Lan ministroordeak onartu egin zuen azalpena, herenegun, ezustean. Tirofijorekin San Vicente del Caguanen topo egin eta gero. «Bilerara irten baino hamar minutu lehenago, segurtasunagatik, ez zuela joan behar ohartarazi ziotela esan zigun. Hori errespetatu egin behar da». Tirofijok berak hori argitu zion Daniel Ortega Nikaraguako lehendakari sandinista ohia.

Gobernuak eta Kolonbiako gerrilla nagusienak bakerako lehen urratsa egin duten arren, paramilitarrek armak hartu dituzte Eguberrietako su-etena alboratuta. Antioquia eta Cesar departamenduetan, ipar-mendebaldean, 61 lagun hil dituzte azken egunetan. Poliziak Cordoba eta Urabako Nekazarien Autodefentsari egotzi dizkio hilketak.

Clintonen mesederako prozedura onartu du Senatuak

■ Oso litekeena da 'Lewinsky auziko' lekukoek deklaratu behar ez izatea

Agentziak / Washington

SENATUAK, negoziaketa gogorren ondoren, aho batez onartu zituen herenegun Bill Clinton lehendakariaren aurkako *Impeachment* prozedurako arauak. Besteak beste, onetsi egin zen lekukoei, guztiei batera, deklaratzera deituko zaiela Senatuak beharrezko ikusten badu. Horretarako bozketa egingo da, eta 100 senadore-tarik 51k baietza eman beharko dute. 55 senadore errepublikanoak izaki, eta 45 demokatak, nahikoa da sei errepublikano demokratik bat egitea, eta lekukoen deklarazioari ezezkoa ematea.

Lekukoek hitz egin beharra badute, ateak itxita egingo dute.

Senatuaren erabakia Bill Clintonen aldekoa da, izan ere, Etxe Zuriko abokatuek hori eskatu zuten. Bide batez, Clinton lehendakari kargutik kentzeko epaiketa laburra izango da. «Auzia azkar konponduko delakoan gaude», adierazi zuen itxaropentsu Greg Craigek, EEBBeko lehendakariaren abokatuak.

Hala ere, Henry Hyde Ganberako Batzorde Judizialeko lehendakariak lekukotzat nahi ditu, frogak babesteko.

Irak, babestutako aire eremuen aurka

■ Blairrek Hussein berritoki ohartarazi dio ekintza armatuekin erantzungo diela

Agentziak / Bagdad-Dubai

IRAKEKO diputatuak aho batez azaldu ziren atzo Irakeko iparraldean eta hegoaldean babestuta dauden bi aire eremuak ezabatzearen alde. Legebiltzarrak larrialdiko bilera egin zuen, EEBBek eta Erresuma Batuak joan den abenduan bonbardatu ondoren sortutako egoera aztertze.

Diputatuak Saddam Hussein lehendakariari eskatu zioten aurre egiteko 1991z geroztik babestuta dauden aire eremuak zeharkatuz EEBBek eta Erresuma Batuetako hegazkinek egiten

dituzten hegaldiei. Horrez gainera, espiak Iraketik kanporatzeko ere eskatu zuten.

Kuwait eta Saudi Arabiaren aurka ere «erabaki garrantzitsu bat» hartzeko asmoa zuten diputatuak. Baliteke neurri horiek bat egitea Iraken segurtasunerako mehatxua diren atzerriko lekuen kontra erabakitako erasoekin. Izan ere, EEBBek eta Erresuma Batuek bi herrialde horietako baseak erabili zituzten Iraki erasotzeko.

Bestalde, EEBBeko Gobernuak iturriek onartu egin zuten Iraki espiatu ziotela, eta Richard Butler, Uns-

com Nazio Batuetako Desamerasako Batzorde Bereziko lehendakaria, horren jakinarenean gainez zegoela.

Tony Blair lehen ministro britainiarrak berritoki ohartarazi zion Hussein EEBBek eta Erresuma Batuak «azkar» erantzungo dutela Pertsiaiko Golkoko segurtasun eta egonkortasunari kalte egiten badie. Erantzuna ekintza armatua izango dela azpimarratu zuen Blairrek.

Erresuma Batuak Golkoan dituen indarrak dauden lekuan egongo dira, «Hussein bizilagunei mehatxu egiten jarraitzen duen bitartean», Tony Blairren arabera.